

臨海異物志 桂海虞衡志
海語 海槎餘錄



海
槎
餘
錄

顧
峴
著

中
華
書
局

紀錄彙編卷之一百六十二

海槎餘錄

顧嶠

儋耳孤懸海島非宦遊者不能涉涉必有鯨波
之險瘴厲之毒黎僚之冥頑無法焉茲守者尋
不能久久亦難其終也余自嘉靖龍飛承乏是
郡迄於丁亥廼有南安之命山川要害土俗民
風下至鳥獸虫魚奇恠之物耳目所及無不記
載共幾百餘則藏之篋笥將謂他日南歸客有
詢及茲郡之畧即舉以對既而水陸跋涉頗勞

散失遂至湮滅無遺矣今懸車去郡倏有數載不敢謂久而能終但郡中事蹟班班尚能追憶掇拾數事恍然猶在滄溟杳渺之中因懲吹鑿之失用梓以傳名海槎餘錄云嘉靖庚子吳郡滙堂顧嶠識

載酒堂卽蘇長公寓僦耳遊宴之地也今有堂三楹祀公像于中元應訪使伯琦周公隸書碑文一道列堂東隅書法甚精堂周圍有牆相去百步有塘寬百畝餘水土深淺異處蒲菰蘆葦之屬最茂密每春秋二祀例率郡僚師儒會飲堂中卽漁此塘

以爲樂名濁勞會亦洗閭境諸祀之勞之謂也故
傳乳泉井枕柳菴茉莉軒今皆湮廢遺址尚存
波羅密樹類冬青而黑潤倍之榦至斗大方結實
者十數少者五六顆皆生于根榦之上狀似冬瓜
外結厚皮若栗蓬乃棘刺方熟時可重五六斤去
外殼內肉層疊如橘囊以其井如密故云
黎俗藏置酒米軋肉衣布之屬不于其家必簡一高
坡之地離家百步內外以草樹畧加繚繞廻護輦
置其中名曰般雖村家叢雜亦不相混間有盜之
者每犯徹獲法曰遂跽痕卽足跡也余初不之信

因彼自服而後然之

佛桑花枝葉類江南樺樹花顯中州芍藥而輕柔過之開時當二三月之間色婀娜可愛

儋耳境山百倍于田土畝石少雖絕頂亦可耕植黎俗四五月晴霽時必集衆斫山木大小相錯更置五七日皓洌則縱火自上而下大小燒盡成灰不但根幹無遺土下尺餘亦且熟透矣徐徐鋤轉種綿花又曰具花又種旱稻曰山禾米粒大而香可食連收三四熟地瘦棄置之另擇地所用前法別治大縣地土產畚而稅少無窮之利蓋在此也

蝮蛇產于山中其皮中州市爲繅樂器之用其膽爲外科治瘡癰之珍藥然亦肝內小者爲佳此地蕪產山馬其狀如鹿特大而能作聲尾更板濶與鹿稍異蝮蛇嘗捕吞之從後脚而入雖角質大二倍于鹿毒氣呵及卽時解脫初吞時亦不能轉動累向水次伸舒消盡無餘矣途人卒然相值雖持木棍亦將無施解事者執指大蛇皮木在手一揮卽止可見物貴得其制不在操利器也

榕樹最大其陰最密榦及三人圍抱者則枝上生根綿綿垂地得土力又生枝如此數四其榦有濶至

三四丈者特中過不圓實陰覆重重六月不知暑
木理粗惡不堪器用

青橄欖無仁烏橄欖有仁外肉取來杵粹軋放則自
有霜堆起如白鹽名曰攪醬二種俱野生當四五
月盛時市人儘力取回用支一年不似吳江南之
甚珍貴也

黎俗男女週歲卽文其身自云不然則上世祖宗不
認其爲子孫也身穿花厚布衣露腿赤足頭載漆
帽傍脊尺許雞毛二莖披肩領間可耻也男子家
富者兩耳復贅盡口大銀因十數爲富侈

花梨木雞翅木土蘇木皆產于黎山中取之必由黎人外人不能識路徑不能尋取黎衆亦不相容耳又產各種香黎人不解取必外人稅警而在內行商久慣者解取之嘗詢其法於此輩曰當七八月晴霽遍山尋視見大小木千百皆凋悴其中必有香疑結乘更月楊輝探視之則香透林而起用草繫記取之大率林木凋悴以香氣觸之故耳其香美惡種數甚多一由原木質理粗細非香自爲之種別也

深黎自黎嶺以北有一種曰遐黎其俗去黎益遠習

俗又相違居常以柳瓢蔽體更閑習弓矢凡父母
過五十惧其老而衰也則烹食之云葬于腹中以
爲得所噫天之生人有如此哉

海槎秋晚巡行昌化屬邑俄海洋烟水騰沸競往觀
之有二大魚遊戲水面各頭下尾上決起烟波中
約長數丈餘離而復合者數四每一跳躍聲震里
許余怪而詢于土人曰此番車魚也間歲一至此
亦交感生育之意耳今中州藥肆懸大魚骨如杵
臼者乃其脊骨也

海鯢乃水族之極大而變異不測者梧川山界有海

灣上下五百里橫截海面且極其深當二月之交
海鯨來此生有隱隱輕雲覆其上人咸知其有在
也俟風日晴暖則有小海鯨浮水面眼未啟身赤
色隨波蕩漾而來土人用舢舨裝載藤絲縲爲臂
大者每三人守一莖其抄分贅逆鬚鎗頭二三支
于其上遡流而往遇則並舉鎗中其身縱縲任其
去向稍定時復似前法施射一二次畢則棹船並
岸創置沙灘徐徐收縲此物初生眼合無所見且
恐鎗疼輕漾隨波而至漸登淺處潮落閣置沙灘
不能動舉家分斃其肉作煎油用亦大矣哉

馬產于海南者極小只可作之驢騾而身稍長耳毛
片不殊于中州當少剪綜時極駿可愛然騎駛則
無長力上等價可四兩尋常不出二兩

黎俗二月十月則出獵當其時各崗首會遣一二入
赴官告知會但出每數十村會番壯兵一二十輩
守舍男婦齊行有司官兵及商賈並不得入入者
爲之犯禁用大木枷脛及手足置之死而不顧何
其愚也獵時土舍崗首爲主聚會千餘兵携網百
數番帶火槍百隻遇一高大山嶺隨遣人周遭伐
木開道遇野獸通行熟踏施之以網更叅置弓箭

熱鬧之人與犬共守之擺列旣成人犬齊奮叫鬧山谷應聲獸驚怖向深嶺藏伏俟其定時持鐵砲一二百犬兇百隻密向大嶺舉砲發喊縱犬搜捕山岳震動獸驚走下山無不着網中箭肉則歸于衆皮則歸于土官上者爲麋皮次者爲鹿皮再次爲山馬皮山猪食肉而已文豹則間得之也

新塲海三面山環壯一面只三四里通大海洋內寬可百里餘分藏新英南灘上下二十四步漁戶環列居焉每風大時蛋船四百餘隻咸漁其中風靜始出大海可謂坐享無窮之利也

南海地多燠少寒木葉冬夏常青然凋謝則寓于四時不似中州之有秋冬也天時亦然四時晴明則穿單衣陰晦則急添單衣兌層諺曰四時皆是夏一雨便成秋又曰急脫急著勝如服藥

相思子生于海中如螺之狀而中實若石焉大比荳粒好事者藏置篋笥積歲不壞亦不轉動若置醋一盂試投其中遂移動盤旋不已亦一奇物也

檳榔產于海南惟萬崖瓊山會同樂會諸州縣爲多他處則少每親朋會合互相擎送以爲禮至于議姻不用年帖只送檳榔而已久之多以家事消長

之故改易告爭官司難于斷理以無憑執耳愚民不足論士人家亦多有匪是俗者

鸚鵡杯卽海螺產于文昌海面頭淡青色身白色周遭間赤色數稜好事者用金廂飾凡頭脰足翅俱備置之几案亦異常耳

海南之田凡三等有沿山而更得泉水曰泉源曰右靠江而以竹桶柴成天車不用人力日夜自車水灌田者曰近江田此二等爲上栽稻二熟又一等不得泉不靠江旱澇隨時曰近江田止種一熟爲下等其境大槩土山麥平坡一望無際咸不科稅

雜植山萸綿花獲利甚廣誠樂土也但其俗好聞
健訟不容人耕耳

石鱗生于崖之榆林港港內半里許土極細膩最寒
但鱗入則不能運動片時成石矣人獲之則曰石
鱗相傳置之几案能明目

勞將軍廟去城東隅六十里許祀屋久廢只隙地在
焉凡新官到任必先此設祭祀典不載其名爵父
老相傳云此神乃馬伏波部下先鋒將方凱旋時
牽馬飲于河馬忽視水中影雙蹄奮起傷其陰而
死遂爲神余任時彼中以例祀祀畢父老喜告曰

任內當大吉未逾年新守至亦以例祀衆咸驚報
曰祀畧無故自裂于案任內當不吉後歲餘守卒
此神亦靈驗矣哉

茨竹大如指長逾二丈節節生枝文采士人家用植
于居之周遭以代垣牆雖雞犬不能踰越陰森柔
嫩綠潤如沃可愛也

江魚狀如松江之鱸身赤色亦間有白色者產于鹹
淡水交會之中士人家以其肉細膩初爲膾烹之
極有味皮厚如錢此品不但勝絕海鄉雖江左鱸
魚鱸鰽之味亦無以尚也